

## ԴԻՏԱՐԿՈՒՄՆԵՐ

**«Չակակոռուպցիոն քաղաքականության խորհուրդ ստեղծելու, խորհրդի կազմը և գործունեության կարգը, խորհրդի կազմում ներգրավվող հասարակական կազմակերպությունների մրցույթի և ռոտացիայի կարգը հաստատելու և ՀՀ վարչապետի 2015թ. ապրիլի 18-ի N300-Ն որոշումն ուժը կորցրած ճանաչելու մասին ՀՀ վարչապետի 24.06.2019թ. N808-Ն որոշման մեջ փոփոխություններ և լրացումներ կատարելու մասին» ՀՀ վարչապետի որոշման նախագծի վերաբերյալ**

ՀՀ արդարադատության նախարարության կողմից մշակվել է «Չակակոռուպցիոն քաղաքականության խորհուրդ ստեղծելու, խորհրդի կազմը և գործունեության կարգը, խորհրդի կազմում ներգրավվող հասարակական կազմակերպությունների մրցույթի և ռոտացիայի կարգը հաստատելու և ՀՀ վարչապետի 2015թ. ապրիլի 18-ի N300-Ն որոշումն ուժը կորցրած ճանաչելու մասին ՀՀ վարչապետի 24.06.2019թ. N808-Ն որոշման մեջ փոփոխություններ և լրացումներ կատարելու մասին» ՀՀ վարչապետի որոշման նախագիծ, որի վերաբերյալ առկա են հետևյալ նկատառումները.

1. Ներկայացված նախագծով առաջարկվում է ՀՀ վարչապետի 24.06.2019թ. N808-Ն որոշման N1 հավելվածում կատարել լրացում և համապատասխանաբար հակակոռուպցիոն քաղաքականության խորհրդի (այսուհետ՝ **խորհուրդ**) կազմում 7-ի փոխարեն նախատեսել 8 հասարակական կազմակերպությունների (այսուհետ՝ **ՀԿ**) ներկայացուցիչ, որոնցից երկուսը՝ գործարար ոլորտի շահերը ներկայացնող, մեկը՝ **ՀԿ** միավորման (ցանցի) ներկայացուցիչ: Հարկ է արձանագրել, որ ներկայացված նախագծում ներառված չեն **ՀԿ** միավորման (ցանցի) մեջ ընդգրկված առանձին **ՀԿ**-ների՝ **խորհրդի կազմում ընդգրկվելու հավակնությունների վերաբերյալ իրավակարգավորումներ**:

**ՀԿ** միավորումը (ցանցը) ենթադրում է որոշակի նպատակի շուրջ տարբեր **ՀԿ**-ների համախմբում և միասնական նպատակների համար քաղաքականության իրականացում: Ուստի **խորհրդում ՀԿ** որևէ միավորման (ցանցի) ներկայացված լինելու պարագայում դրանում ընդգրկված **ՀԿ**-ներն ու նրանց նպատակներն արդեն իսկ ներկայացվում են: **Դա հաշվի առնելով՝ ՀԿ միավորումը (ցանցը) ներկայացնելու հավակնության դեպքում դրանում ընդգրկված առանձին ՀԿ-ների միաժամանակյա ներկայացվածությունը խորհրդում պետք է բացառել, քանի որ դա կարող է խոչընդոտել սահմանափակ տեղերի համար մրցակցությունն ու այլ ՀԿ-ների ներգրավման հնարավորությունը**: Սա, մասնավորապես, կարող է անդրադառնալ **խորհրդում չներառվող այն կազմակերպությունների վրա**, որոնք կամ չեն հանդիսանում որևէ միավորման (ցանցի) անդամ և խոչընդոտվում է նրանց որևէ կերպ ներկայացվածությունը, կամ նրանց համապատասխան միավորումը (ցանցը) ներկայացված չէ **խորհրդում**: Նշված կարգավորման նպատակը պետք է լինի **խորհրդում ՀԿ-ների ներկայացվածության ընդլայնումը, ինչը կնպաստի խորհրդում բազմակարծության աստիճանի բարելավմանը**:

### **Առաջարկություն.**

- ներկայացված նախագծով լրացում նախատեսել ՀՀ վարչապետի 24.06.2019թ. N 808-Ն որոշման N3 հավելվածի 4-րդ գլխում՝ ամրագրելով, որ **խորհրդի անդամ ՀԿ** միավորման (ցանցի) կազմում ընդգրկված **ՀԿ**-ներ չեն կարող **ՀԿ** միավորման (ցանցի) հետ միաժամանակ հանդիսանալ **խորհրդի անդամ**:

2. ՀՀ վարչապետի 24.06.2019թ. N 808-Ն որոշման N3 հավելվածի 4-րդ գլխի 18-րդ կետում նախատեսված է **խորհրդի անդամ ՀԿ-ների ռոտացիայի ընթացակարգը, համաձայն որի՝**

Երկու տարին մեկ անգամ հրապարակվում է Խորհրդի կազմում ՉԿ-ների ներգրավման մասին նոր հայտարարություն, որին կարող են մասնակցել նաև Խորհրդի անդամ ՉԿ-ները: Կապված առաջարկվող վերոնշյալ նախագծի հետ՝ անհրաժեշտ է ռոտացիայի ընթացակարգը հավասարապես կիրառելի դարձնել նաև Խորհրդի անդամության համար առաջարկվող ՉԿ միավորման (ցանցի) համար:

***Առաջարկություն.***

- Ներկայացված նախագծով լրացում նախատեսել նաև ՀՀ վարչապետի 24.06.2019թ. N 808-Ն որոշման N3 հավելվածի 4-րդ գլխի 18-րդ կետում՝ ամրագրելով, որ երկու տարին մեկ Խորհրդի կազմում ՉԿ-ների ներգրավման հայտարարությունը վերաբերում է նաև ՉԿ միավորմանը (ցանցին):

**Ընդհանուր առմամբ, կարծում ենք, որ առավել նպատակահարմար է շրջանառությունից հանել առաջարկվող Նախագիծը, քանի որ Խորհրդի կազմում ՉԿ միավորումների (ցանցերի) համար հատուկ տեղ նախատեսելը ստեղծում է անհավասար մրցակցություն և արտոնյալ կարգավիճակ առանձին ՉԿ-ների համար: Հայաստանում կոռուպցիայի դեմ պայքարով հետաքրքրվող և զբաղվող ՉԿ-ների քանակը հետզհետե ավելանում է և հարկավոր է հնարավորությունը բաց պահել բոլոր շահագրգիռ կազմակերպությունների համար:**

Թրանսփարենսի Ինթերնեշնլ հակակոռուպցիոն կենտրոն

Բաց հասարակության հիմնադրամներ – Հայաստան

Իրավունքի զարգացման և պաշտպանության հիմնադրամ

Ժուրնալիստների «Ասպարեզ» ակումբ